

# 卷一百三十五



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百三十五  
 內容分類 史 政書 歷代通制  
 索書號 貴重-17  
 編號 B3510400

杜氏通典卷第二十五

職官七

諸卿上 總論諸卿  
 諸卿少 附

太常卿 奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 珍羞署

太醞 主簿 掌醞署 太官署 武器署 左右都候

太醞 主簿 武庫署 馬令

太陵 主簿 崇玄署 典廩署

太牧署 主簿 乘黃署 諸牧監

太直 評事 監 獄丞

彩色首頁1

東洋文化研究所漢籍目錄 編號: B3510400  
 東洋文化研究所漢籍目錄所藏漢籍善本文影像資料庫 索書號: 貴重-17  
 漢籍善本文影像資料庫文本 杜氏通典二百卷 嘉靖十八年西樵方獻夫刊本  
 版權所有: 東京大學 東洋文化研究所  
 使用上的注意事項

寸出於衰博廣也辟領廣四寸則與閣中八寸兩衰

長六寸博四寸廣義當心衣帶下尺衣帶下尺者要也祔

二尺有五寸社所以掩裳際者上正一尺燕祔屬幅

屬猶連也連衣二尺有二寸此謂袂中也衣自領至

幅謂不削也袷尺二寸袷袖也

四寸加辟領八寸又倍袷尺二寸袷袖也

一氏通典卷第一百二十四終

杜氏通典卷第一百二十五

禮九十五二大 唐開元禮三十

計奏皇帝為外祖父父母舉哀 為皇太后父母舉哀

舉哀 為蕃國主舉哀

臨喪皇帝臨諸王妃主喪 臨外祖父母喪

除服除外祖父母喪服

勅使弔弔諸王妃主喪 外祖父母喪

贈賻皆弔使 會喪遺百條會王

榮贈榮贈諸王外祖父母 后父母

會葬遺百條會王

致奠諸王妃主喪奠 外祖父母喪奠 后父母喪奠

計奏

皇帝爲外祖父母舉哀

本司散下其禮所司隨職供辦尚舍奉御先於別殿設素褥牀席爲舉哀成服位南向尚衣奉御先製小功五月之服守宮先於舉哀殿外門之外隨便設百官文武次如常其日舉哀前三刻諸衛屯門列仗如常諸應陪慰者並赴集次所典儀於舉哀殿門外布百官位亦如常又於殿前設諸王三品以上哭位文東武西重行北面相對爲首諸親位於文武官五品之下皇宗親在東又於階下當御位北向設太尉奉慰位文武百官到入次改服素服侍中版奏請中嚴

亦在三刻之前尚衣奉御以篋奉縗服升立於殿東

間北面典謁引諸王百官一品以下九品以上俱就

門外位文武侍衛之官詣閤奉迎舉哀前一刻侍中

版奏外辦皇帝服素服御輿出升別殿降輿卽哭位

南向坐侍衛如常至時侍中跪奏請爲故某官或某

舉哀俛伏興皇帝哭十五舉聲侍中跪奏請哭止成

服俛伏興皇帝止尚衣奉御以篋奉縗服進跪授興

仍贊變服焉於變服則權設障已而去之成服已侍中又跪奏請

哭俛伏興皇帝哭通事舍人引諸王文武百官三品

以上入就殿庭位舍人贊拜羣官在位者皆再拜舍

人贊哭羣官在位者皆哭十五舉聲舍人贊止羣官

在位者皆止舍人引諸王爲首者一人進詣奉慰位  
跪奉慰俛伏與舍人引退還本位又舍人次引百官  
文武行首一人進詣奉慰位跪奉慰俛伏與舍人引  
退還本位舍人贊拜在位者皆再拜舍人引三品以  
上退出其四品以下位於門外者典謁贊拜贊哭贊  
止引退如殿庭之儀侍中跪奏請哭止俛伏與皇帝  
止御輿降還侍衛從至閣如初所司宣仗散其日晡  
哭則晡前二刻奏嚴一刻奏辦皇帝服纓服出卽位  
次哭如初不輶自後朝晡凡三日而止

爲皇后父母舉哀

與爲外祖父母禮同其  
異者製總麻三月之服

朝晡再  
哭而止

爲諸王妃主舉哀

本司散下其禮所司隨職供辦尚舍奉御先於肅章  
門外道東設大次南向周以行帷御座設素牀褥席  
守宮隨便於永安門外設文武官五品以上便次其  
日舉哀前三刻侍中版奏請中嚴前二刻諸衛列仗  
如常典儀於大次前量遠近設一品以下應陪集者  
哭位文東武西重行北面相對爲首百官皆集次改  
服素服就位又於大次前設奉慰位前一刻文武侍  
衛之官詣閣奉迎如常侍中版奏外辦皇帝素服御  
輿複道以出從幃宮後門入之太次其無復道者百  
官於外門外爲  
並降卽哭位南向坐侍衛如常至時侍中跪奏請爲

故臣某官或王姬舉哀俛伏興皇帝哭通事舍人贊羣

官拜羣官在位者皆再拜若有官為門外位者候入

以上入次前位四品以下仍門外位舍人贊哭羣官在位者皆哭十五

舉聲舍人贊止羣官在位者皆止舍人引文武官行

首者一人詣奉慰位跪奉慰俛伏興引退還本位舍

人贊拜羣官在位者皆再拜訖有門外位者與謁侍

中跪奏請哭止俛伏興又奏請還宮退本位立皇帝

哭止御輿降還其侍衛從至閣如常所司宣仗散其

日晡哭則晡前二刻奏嚴一刻奏辦皇帝仍初服出

位次哭如初侍衛如常自後本服周者凡三朝哭而

止本服大功者其日晡哭而止本服小功以下一舉

哀而止若皇太子附舉哀則素服左庶子皆引從帷

南此面哭於百官哭止皇太子哭止進御坐前跪俛

伏興再拜於百官退引降拜退還如初其宮官等應

陪拜慰者則隨班於上臺自下皆然之

為內命婦宗戚舉哀與為諸王妃主禮同

仍晡哭而止其九殯以下舉一哀而止亦隨恩賜之深淺

為貴臣舉哀與為諸王禮同其異姓者一

以上散官一品其餘官亦隨恩賜之深淺

為番國王舉哀與為貴臣禮同其異者城

外張帷幔為次向其國而

哭之至三聲而止

○臨喪  
皇帝臨諸王妃主喪



本司散下其禮所司隨職供辦尚舍直長先設行宮  
大次於主人第大門外之西南向守宮於主人大門  
外隨便設諸從駕文武之官便次其所臨者五屬之  
親於乘輿未到之前並先集列於主人之第其執事  
先於其寢北設幃幔爲主人五屬婦女拜哭次日  
未出宮前四刻侍中版奏請中嚴出宮前三刻槌一  
鼓爲一嚴時節前中奏裁所司整設小駕鹵簿於所  
出宮門外如常儀出宮前二刻又槌二鼓爲再嚴奉  
禮於所出宮門外設陪從之官位如常尚舍奉御先  
於主人第大門外便殿之內設皇帝便座南向又於  
主人堂上由間設素褥牀席爲哭位亦南向典儀又於

主人庭中設陪從官位文東武西重行北面相對爲  
首又於御座前階下設奉慰位主人執事於堂下設  
五屬之親位於東階之東重行西面北上又設五屬  
婦女位於堂北幔下主女位於東廂西面南上妻妾  
位於西廂東面南上衆婦人位於北廂重行南面諸  
親在東相對爲首以服精麤爲序而尊者差前諸陪  
其五屬外內並臨於此所

從之官各常服赴集其位有司整列皇帝四望車以  
下及仗衛之屬應列鹵簿者於內外如常儀出宮前  
一刻又槌三鼓爲三嚴侍衛之官詣閣奉迎如常侍  
中版奏外辨皇帝服常服御輿以出繖扇華蓋侍衛  
警蹕如常儀皇帝降輿升車黃門侍郎進當車前跪

製 複 許 不

NOT TO BE REPRODUCED

東京大学東洋文化研究所

奏稱黃門侍郎臣某言請乘輿發退復位

凡黃門侍郎奏請皆

進跪奏稱某官臣某言訖俛伏與

駕動警蹕如常黃門侍郎與贊者

夾輅以出至侍臣上馬所黃門侍郎進跪奏稱請駕  
權停勅侍臣上馬俛伏與侍中前承詔退稱制曰可  
黃門侍郎退唱侍臣上馬贊者承傳文武侍臣上馬  
畢黃門侍郎奏稱請乘輿發退復位鑾駕動稱警蹕  
鼓吹不作文武羣官應陪從者乘馬以從駕至行宮  
門外侍中進跪奏請降車俛伏與退復位皇帝降車  
御輿就大次其輿輦以下鉞戟仗衛之屬陳列於大  
次之前左右皇帝變服素服其陪從之官各舍於便  
次變服素服其侍臣及武官不變服主人相者引主

人內外五屬之親各服緦服就堂下外內位次哭與

儀一人立於堂下東階東南贊者二人立於其南退

俱西面皇帝變服訖御輿出侍御如常主人免經去

杖司儀令引出大門外望見乘輿止哭再拜迎仍引

主人先入門右西面立不哭

其未發即通拜迎皇帝

至堂侍中跪奏請降輿升俛伏與

於所臨喪者非尊秩則御輿升堂

皇帝降輿升自東階即哭位坐巫祝各一人先升巫

執桃立於東南執芻立於西南相向千牛四人執戈

隨升二人先二人後侍臣夾升列於戶內外及階下

左右其仗衛鹵簿止列於門外內如常司儀令引主

人入中庭北面與儀稱拜主人內外皆再拜勅令主



人升司儀令引主人升立於戶內之東西面侍中跪  
奏請哭俛伏興皇帝哭典儀稱哭贊者承傳唱可哭

凡典儀有詞贊者皆承傳

主人以下在位者皆哭典謁引諸從官

應陪臨者入即班位立定典儀稱拜從官在位者皆  
再拜典儀稱哭從官在位者皆哭十五舉聲典儀稱  
止從官在位者皆止典謁引諸王爲首者一人進舍  
人接引諸奉慰位跪奉慰俛伏興舍人引退典謁接  
引還本位又典謁次引諸從官文武行首一人進舍  
人接引諸奉慰位跪奉慰俛伏興舍人引退典謁引  
從官在位者出又典謁次引諸王等以次出侍中跪  
奏請哭止俛伏興皇帝止典儀稱哭止主人以下皆

止司儀令引主人降立於庭中之東北面典儀稱拜

主人以下皆再拜侍中跪奏請興還俛伏興皇帝降  
御輿出侍衛警蹕如初司儀令引主人先出侍於大  
門外拜送皇帝至大次降輿即御座變服司儀令引  
主人哭還廬次皇帝停大次未發前三刻侍中版奏  
請中嚴所司先奏三嚴槌鼓整列仗衛鹵簿於還途  
如來儀奉禮於行宮南門外道左向道重行設陪從  
之官位文左武右陪從之官於便次變服常服赴集  
位所典謁引即班位三嚴已侍中版奏外辨皇帝御  
輿出侍衛警蹕並如初皇帝降輿升車黃門侍郎奏  
請及羣臣陪從鼓吹不作並如來儀乘輿至殿前闕



外迴車侍中跪奏請降入俛伏興皇帝降車乘輿入侍臣從至閣如初侍中版奏解嚴將士各還其所百官皆退

臨外祖父母喪皇后父母宗戚貴臣並與臨諸王妃主禮同

其臨諸王妃主喪及凡內喪則並幸其前

寢次也其尊應就喪殯寢者則臨殯寢所

凡臨諸王妃主尊親者及師傅保與三老五

更貳主後喪則敬同外祖其所臨幸者

若第鄰宮闕率爾往還則容不備函簿

與嚴鼓皆稟當時別旨而為儀注其內

外文武陪從官准駕備略備謂官從具器謂戒

車駕若經大廟則侍中跪奏式過乃復常

除服

除外祖父母喪服

本司散下其禮所司隨職供辨守官先於別殿外門

外隨便設百官文武便次如初於除服前之夕尚舍

奉御於別殿設素褥牀席焉至日平曉而除服外輿

則五月先下旬之吉也其從於除服前三刻侍中版朝制公除則祖父母五月也

奏請中嚴諸衛勒所部屯門列仗如常典儀於別殿

前設諸王百官三品以上位如初又設奉慰位如初

設一品以下九品以上位於別殿門外如初百官文

武應陪臨者並赴集大門便次各服素服典謁引就

別殿門外位尚衣奉御以篋奉素服吉履升殿位於殿東間北面立腰輿進於寢庭侍衛之官詣閣奉迎如常式除服前一刻侍中版奏外辦皇帝仍服緣服御輿出左右直衛鈇戟警蹕並如初皇帝升別殿降輿卽哭位哭侍衛如初侍中跪奏請哭俛伏興皇帝哭十五舉聲侍中跪奏請哭止從禮制除服俛伏興皇帝止尚衣奉御以篋奉衣履進跪授輿仍贊變除於變除則權設步障也而去之變除已侍中文跪奏請哭俛伏興還本位皇帝哭通事舍人引諸王百官三品以上大各就班位定舍人贊拜羣官在位者皆再拜舍人贊哭羣官在位者皆與十五舉聲舍人贊止羣官在位者皆止舍人引諸王爲首者一人進詣奉慰位跪奉慰俛伏興舍人引退還本位又舍人次引百官文武行首一人進詣奉慰位跪奉慰俛伏興舍人引退還本位舍人贊拜在位者皆再拜舍人引三品以上出其四品以下位於門外者典謁贊拜贊哭贊止引退如三品以上之儀侍中跪奏請哭止還俛伏興皇帝止御輿降還其夾御之官從至閣如初所司奏宣解嚴如常儀

除皇后父母喪服

與除外祖父母禮同其  
興者后父母三月先下

旬之吉除也公除  
則三日而除之

勅使手

弔諸王妃主喪

本司散下其禮所司隨職供辦守宮先於主人第大門外之右設使者次南向其日使者至掌次者引之次內外線服司儀引主人以下俱立哭於東階下婦人立哭於殯所如常儀使者素服出次司儀引立於大門外西東面持節者立於使者之北少退使二人對舉弔書案立於使者之南差退俱東西城外者司不持節司儀入告主人去杖免經司儀引主人出門止哭迎於大門外見賓先入立於門右北面司儀引使者入持節者先導持案者次之內外止哭使者入門而左立於階間南面節在使者之東少南西向持案者立於

使者西南東面司儀引主人進當使者前北面持節者脫節衣史以案進詣使者前使者取弔書持案者退復位使者稱有制弔主人哭拜稽顙內外皆哭司儀引主人進受弔書退立於東階下西面哭持節者加節衣司儀引使者持節者先導持案者次之出復門外位主人以弔書授左右司儀引主人出內門止哭拜送於大門外使者還主人杖哭而入取弔書於階下升奠於柩東使人若須私弔則通名引入弔如常禮訖引出若朝使致賻賓至主人迎受如弔書儀唯賻物掌事者受以東東藏也其賻物簿如受弔書儀

勅使弔外祖父母喪

后父母 宗戚 貴臣 蕃國主 並與弔諸

王妃主  
喪同

賜賻

其賜賻之禮與弔使俱行則有司先備物數多則其日使者至主人大門外便次物輿陳於使者幕南東西爲列馬陳於使者東南北首西上於使者以下入卽庭中位物輿陳於使者位南亦東西爲列馬從入陳於庭北首西上於使者出主人有司受而以藏其特行也亦准弔禮

命喪

制遣百僚會王公以下喪

守宮先於主人第大門外隨便量設百官文武應會弔者便次其司儀令先於主人第前寢庭北面重行設百官位以西爲上百官應會弔者並赴入主人第門外便次各服素服司儀以次引入就班位立定司儀贊可哭諸官在位者皆哭十五舉聲司儀贊可止諸官在位者皆止司儀引諸官行首一人升詣主人前席位展慰非應致敬則立慰訖引降出又司儀引諸在位者以次立不致敬者再拜引退致

榮贈

勅使榮贈諸王

守宮於主人大門外之西設使者及使副次南向其使人及副公服從朝堂受冊載於犢車使人及副各

備鹵簿鼓樂備而不作至主人大門外降車掌次者引之次

內外縗服司儀引主人以下就東階下位婦人升就

堂上位皆立哭使者出次謁者絳公服引立於門西

東面使副立於使者之南持節者立於使者之北少

退史二人對舉用案立於使副西南俱東面城外者無鹵簿

不持司儀入告主人去杖免經司儀引主人出門止

哭迎使者於大門外見賓先入立於門右北面謁者

引使者入持節者先導使副及持用案者次之内外

止哭使者升立於樞東北廂南面持節者在使者之

東少南西向使副立於持節南持用案者立於使副

東南俱西面司儀引主人升立於階上當使者北面

持節者脫節衣使以用案進使副前使副取用案退

復位使副以冊進使者受稱有制主人降於階間北

面哭拜稽顙内外皆哭司儀引主人升復北面位内

外止哭使者讀冊訖主人降於階間北面哭拜稽顙

内外皆哭司儀引主人升謁使者前受冊退跪奠於

樞東與降立於東階下西面初使人授冊訖持節者

加節衣謁者引使者持節者先導使副及持案者次

之出復門外位司儀引主人出内外止哭拜送於大

門外使者還主人經杖哭而入其使者應私弔則通

出

勅使榮贈外祖父母后父母貴臣番國主並與榮贈諸王禮同

若主人六品以下則  
拜及受制皆於堂下

### 會葬

遣百僚會王公以下葬並與百僚會喪禮同

凡冊贈使者之尊卑並准告授若冊贈妃主則內侍  
之屬為使其先行事者亦如之同准告授凡冊贈應  
諡者則文兼諡又致祭焉而致祭不必有贈諡凡贈  
以蠟印而書綴凡冊贈之禮必因其啓葬之節而加焉其或  
既葬者則主人仍於靈寢受之其禮如初其或既除  
服乃追而冊贈者主人受之於廟禮亦如之其異者  
主人不哭其服則公服若單衣不幘其於靈寢若廟  
並先設祭以告神其未立廟者則受之於正寢

### 致奠

勅使致奠諸王妃主喪

守宮於主人大門外量設便次使者至堂次者引之  
次內外緣服司儀引主人以下俱就東階下位婦人  
就堂上位皆立哭使者公服出次謁者降公服引立  
於門西東面執事者陳牢饌於使者東南當門北向  
西上司儀入告主人去杖司儀引主人出內門止哭  
迎於大門外見賓先人立於門右北面謁者引使者  
入內外止哭使者升自東階立於樞東少北南面執  
事者以牢饌入升設於樞東西向南上司儀引主人  
升自西階立於階上當使者北面執事者酌酒西面

奠於席退復位使者曰某封若某位將歸幽宅制使  
其奠主人降階階間北面哭拜稽顙內外俱哭謁者  
引使者及從者降出復門外位初主人拜稽首訖司  
儀引主人退哭於東階下使者出司儀引主人出內  
門止哭拜送於大門外使者還主人杖哭而入

勅使致奠外祖父母喪后父母貴臣蕃國  
主喪奠並與諸王

禮同

杜氏通典卷第一百三十五終

杜氏通典卷第一百三十六

禮九十六凶三 纂類三十一  
大唐開元禮三十一

中宮舉哀太祖太后 外祖父母 皇后為父母  
宗戚 內命婦 諸王妃主

成服為父母 外祖父母 祖父 祖母 奔喪 祖父 祖母

臨喪內命婦 祖父 祖母 除服 外祖父母 祖母 祖父 祖母

遣使弔弔外祖父母 諸王妃主

東宮舉哀為諸王妃主舉哀 外祖父母 舉哀 師傳

舉哀宗戚 舉哀 宗戚 舉哀 宗戚 舉哀 宗戚 舉哀

臨喪臨諸王妃主喪 外祖父母喪 宗戚喪 富臣喪

使弔使弔諸王妃主喪 外祖父母喪 宗戚喪